



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-602-4/23**

Datum: **06.05.2024. god**

„Agencija za vodno područje rijeke Save“ Sarajevo rješavajući po zahtjevu pravnog lica „LISKOVAČKI KAMEN“ d.o.o. Cazin, za izdavanje vodne dozvole za ispuštanje tehnoloških i oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Osoje" u naselju Liskovac, grad Cazin, na osnovu člana 139. stav (1) tačke 3. i 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

RJEŠENJE
o vodnoj dozvoli

1. Pravnom licu, „LISKOVAČKI KAMEN“ d.o.o. Cazin, daje se vodna dozvola za ispuštanje tehnoloških i oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Osoje", na zemljištu označenom kao k.č. broj 845, 846 i 847 K.O. Liskovac, grad Cazin.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Rješenje o vodnoj dozvoli se donosi na osnovu pregleda dokumentacije kojom raspolaže podnosilac zahtjeva, izvršenog uviđaja na površinskom kopu - kamenolomu, pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da korisnik, u toku važenja ovog Rješenja, realizira dostavljeni detaljni dinamički plan sa finansijskom procjenom ulaganja, odnosno da izvede radnje predviđene revidovanom investiciono-tehničkom dokumentacijom, Glavni projekat – vanjske hidroinstalacije površinskog kopa „Osoje“ sa pratećim objektima na zemljištu označenom kao k.č. broj 842, 843, 844, 845, 846, 847 i 867 K.O. Liskovac, općina Cazin, urađen od strane IBIS d.o.o. Zavidovići pod brojem 64-IB-G-/15, decembra 2015. godine, revidiran od strane „Zavoda za izgradnju“ a.d. Banja Luka pod brojem 10-170-12/15, dana 20.01.2016. godine, odnosno:
 - Da se do 30.06.2024. godine izvrši priključenje na javni gradski vodovodni sistem, na cijevni vod koji se nalazi u lokalnom putu uz kamenolom, za naselje Šarići.
 - Da se do 30.06.2024. godine ugradi vodomjerno okno sa instalacijama razvoda do predviđenih potrošača (platoa za pranje mehanizacije, sanitarnog čvora, priručne kuhinje za ishranu radnika, separacijskog postrojenja za obaranje prašine, i slično).
 - Da se do 30.06.2024. godine izvrši ugradnja kanalice, slivnika te ovičenja platoa za pretakanje goriva u radne mašine te nivelisanje oborinskih i otpadnih voda od pranja radnih mašina sa platoa ka separatoru ulja i masti, na potreban tretman.
 - Da se do 30.06.2024. godine dovrši izrada predviđenih obodnih kanala (na južnoj strani površinskog kopa te zemljani kanal u centralnom dijelu kopa).
 - Da do 30.06.2024. godine nabavi i instalira cisternu za naftu sa predviđenom tankvanom, na prostoru platoa za tankovanje, pranje i održavanje radnih mašina.
 - Da do 30.06.2024. godine izgradi taložnik 2 za prijem oborinskih voda sa radnih površina eksploatacionog polja.
 - Dopuniti Glavni projekt izvedenim stanjem sa situativnim prikazom na katastarskoj podlozi, budući da je došlo do odstupanja od projektnog rješenja (plato za pranje i tankovanje radnih mašina, i sl.), do kraja 2024. godine,

- Da se do 30.06.2024. godine uradi ispitivanje izvedenih taložnika i instalacija na vodonepropusnost i priložiti Zapisnik o ispitivanju istih na kraju 2024. godine pri redovnoj kontroli.
- 3.3. Skladištiti ulja i maziva u natkrivenom prostoru ili izgraditi namjenski objekt za skladištenje i pretakanje ulja i maziva te izvesti AB tankvanu od vodonepropusnog betona otpornog na dejstva hemikalija.
- 3.4. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) nosilac prava iz ove vodne dozvole dužan je izvještavati nadležnu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, a drugi put najkasnije do 30.06.2025. godine na obrascu iz Priloga B navedene Uredbe.
- 3.5. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Prilog 27. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24).
- 3.6. Korisnik kamenoloma je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24). Rezultate analiza dostaviti ovoj Agenciji.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH”, broj 14/10, 14/13, 26/14, 23/17 i 41/20).
- 3.7. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora te talog iz taložnika, potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
- 3.8. Opasni materijal i otpad nastao pri izvođenju radova i eksploatacije mineralne sirovine ne smije se ni privremeno odlagati na česticu «vodno dobro», odnosno u vodotok i na njegove obale.
- 4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje V („Službene novine Federacije BiH”, broj 92/07, 46/09, 79/11, 88/12 i 03/16).
- 5. Za utvrđeni broj EBS-a, prema rezultatima ispitivanja ovlaštene laboratorije, vlasnik odnosno korisnik objekta je obavezan vršiti plaćanje vodnih naknada u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11 i 88/12).
- 6. U periodu važenja ove dozvole, pravno lice je dužno provoditi sve mjere i aktivnosti propisane istom.
- 7. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
- 8. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.

9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, u skladu sa članom 1. stav (1) Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24) sa rokom važenja do 30.06.2026. godine, uz uslov da se aktivnosti obuhvaćene tačkom 3. dispozitiva rješenja u cijelosti poštuju.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. Stav (1 ili 4. Zakona) tačka 1., 2., 3. o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „LISKOVAČKI KAMEN” d.o.o. Cazin, obratilo se ovoj Agenciji dana 22.12.2023. godine sa zahtjevom za izdavanje vodne dozvole za kamenolom "Osoje", na zemljištu označenom kao k.č. broj 845, 846 i 847 K.O. Liskovac, Grad Cazin, čije su granice eksploatacionog polja odobrene Rješenjem Ministarstva privrede Unsko-sanskog kantona, na kojem se vrši eksploatacija industrijske mineralne sirovine dolomita.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra, matični broj subjekta upisa: 17-01-0011-07, izdano dana 06.05.2022. godine, od strane Općinskog suda u Bihaću,
- Ovjerena kopija Uvjerenja o poreznoj registraciji, izdano dana 14.09.2007. godine, od strane Federalnog ministarstva finansija, Porezne uprave – Kantonalni ured UNSKO-SANSKOG KANTONA,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, izdano od strane Uprave za indirektno-neizravno oporezivanje Banja Luka, broj 04/1-UPJR/1-9155-2/07, dana 16.10.2007. godine, u Banja Luci,
- Uplatnica upravne pristojbe,
- Kopija rješenja, kojim se privrednom društvu „Liskovački kamen” d.o.o. Cazin, odobrava površinska eksploatacija mineralne sirovine - krečnjaka - tipa „liskovački kamen” unutar granica eksploatacionog polja „LISKOVAČKI KAMEN” koje se nalazi na području općine Cazin; izdano od strane Ministarstva privrede Unsko-sanskog kantona pod brojem 06-18-17808-UP-1/2014, dana 16.02.2015. godine, u Bihaću,
- Kopija Rješenja, kojim se privrednom društvu „LISKOVAČKI KAMEN” d.o.o. Cazin dozvoljava izvođenje radova po Glavnom rudarskom projektu eksploatacije kamena krečnjaka na lokalitetu „LISKOVAČKI KAMEN” kod Cazina, od marta 2015. godine; izdano od strane Ministarstva privrede Unsko-sanskog kantona pod brojem 06-18-9842-UP-1/2015, dana 11.03.2016. godine, u Bihaću, (U prethodnom spisu za izdavanje VD)
- Kopija Ugovora o koncesiji br. KU 037/2013 za eksploataciju krečnjaka tipa liskovački kamen na ležištu „Osoje” Liskovac u općini Cazin, zaključen između koncesionara – LISKOVAČKI KAMEN d.o.o. Cazin pod brojem 46/13 i koncesora – Ministarstva privrede Unsko-sanskog kantona pod brojem 06-18-6567-1/13, dana 19.06.2013. godine, u Bihaću, (U prethodnom spisu za izdavanje VD)
- Godišnji izvještaj o monitoringu kvaliteta i kvantiteta otpadnih voda kamenoloma „Liskovački kamen” doo Cazin; urađen od strane „Herkon” d.o.o. Mostar pod brojem GI-OV-02-144/23 dana 13.11.2023. godine,
- Glavni projekat – vanjske hidroinstalacije, Površinski kop „Osoje” sa pratećim objektima na zemljištu označenom ako k.č. broj 842, 843, 844, 845, 846, 847 i 867 K.O. Liskovac – općina Cazin; urađen od strane IBIS d.o.o. Zavidovići pod brojem 64-IB-G/15, decembra 2015. godine, u Zavidovićima, revidiran od strane „Zavod za izgradnju” a.d. Banja Luka pod brojem 10-170-12/15, dana 20.01.2016. godine, u Banja Luci (na uvid),
- Zaključak o visini i roku za plaćanje posebnih troškova, izdano od strane ove Agencije, broj UP-1/21-3-40-602-3/23, dana 29.01.2024. godine, te kopija uplatnice za iste,
- Detalini dinamički plan sa procjenom finansijskih pokazatelja za 2024. godinu

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH” broj: 31/15), izvršen je pregled lokaliteta kamenoloma „Osoje”, koji se koristi od strane pravnog lica „LISKOVAČKI KAMEN” d.o.o. Cazin, i tom prilikom sačinjen zapisnik o uviđaju, broj: UP-1 /21-3-40-602-2/23 od 30.01.2024. godine, pri čemu je utvrđeno:

Granice istražnog polja odobrene su Rješenjem Ministarstva privrede Unsko-sanskog kantona broj: 06-18-17808-UP-1/2014 od dana 16.02.2015. godine, kojim se odobrava eksploatacija mineralne sirovine krečnjaka tipa „liskovački kamen” na predmetnoj lokaciji, te Ugovora o koncesiji br. KU 037/2013 za eksploataciju krečnjaka tipa liskovački kamen na ležištu „Osoje” Liskovac, u Cazinu, zaključenog sa koncesorom – Ministarstvom privrede Unsko-sanskog kantona, dana 19.06.2013. godine, u Bihaću.

Eksploataciono polje je površine 1,87 ha ograničeno prelomnim tačkama označenim kao: F, G, H, I, J i K, koje su definisane koordinatama (x,y):

Prelomne tačke	koordinate	
	X	Y
F	4 989 910	5 567 035
G	4 989 937	5 567 004
H	4 989 998	5 567 000
I	4 990 060	5 567 068
J	4 990 032	5 567 169
K	4 989 946	5 567 167

kako je definisano gore navedenim Rješenjem, kojim se odobrava eksploatacija krečnjaka tip „liskovački kamen”, unutar eksploatacionog polja „Osoje”, Grad Cazin, izdanim od strane Ministarstva privrede Unsko-sanskog kantona pod brojem 06-18-17808-UP-1/2014, dana 16.02.2015. godine, u Bihaću te Ugovorom o koncesiji br. KU 037/2013 za eksploataciju krečnjaka tipa liskovački kamen na ležištu „Osoje” Liskovac, u općini Cazin, zaključenim sa koncesorom – Ministarstvom privrede Unsko-sanskog kantona dana 19.06.2013. godine, u Bihaću.

Na predmetnom kamenolomu, u vrijeme izvršenja uviđaja, su postojali slijedeći objekti i mašine/ postrojenja: urađen manipulativni plato za tankovanje i održavanje mehanizacije (bez ovičenja i slivne rešetke ili kanalice) te taložnik broj 1 za prijem oborinskih i otpadnih voda sa istog, nabavljen i ugrađen separator ulja i masti, nabavljen i postavljen kontejner za ishranu radnika, urađen obodni kanal za prijem oborinskih voda sa radnih površina eksploatacionog polja prema lokalnoj cesti te izvršena priprema terena za izradu taložnika broj 2, bager utovarivač i kamion za odvoz kamena.

Na predmetnom lokalitetu, u vrijeme izvršenja uviđaja su vršeni radovi na eksploataciji mineralne sirovine na više etaža, dok se na jednoj etaži vrši uklanjanje površinskog sloja jalovine. Na prostoru predmetnog kamenoloma trenutno nije omogućen priključak na javni gradski vodovodni niti kanalizacioni sistem. Za piće se koristi flaširana voda, a za sanitarne svrhe se voda dovozi u PVC bačvi. Oborinske vode sa internih saobraćajnih i parkiranih površina, radnih površina kopa te skladišnih površina gotovih proizvoda, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina i gotovih proizvoda se najvećim dijelom zadržavaju unutar istražnog polja te infiltriraju u podzemlje, a dijelom se slijevaju putem obodnog kanala u postojeću lokvu izvan eksploatacionog polja (mjesto predviđeno za izgradnju taložnika broj 2).

Nije izveden obodni kanal na najnižem dijelu eksploatacionog polja niti taložnik broj 2 sa kontrolnim šahtom, kao niti zemljani kanal predviđen središtem eksploatacionog polja. Nije nabavljena cisterna za gorivo niti izvedena tankvana za smještaj iste. Nije izvedeno monitoring okno.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su, u dispozitivu rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog, prema preciziranim rokovima iz dinamičkog plana.

Na osnovu provedenog postupka i utvrđenog činjeničnog stanja, doneseno je rješenje kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Fuad Mujagić, dipl. inž.

Po ovlaštenju
Rukovodilac Sektora za
izdavanje vodnih akata



Hariš Alisehović, dipl.ing.grad.

Dostaviti:

- „LISKOVAČKI KAMEN“ d.o.o. Cazin, Liskovac 132, 77 220 Cazin
- AVP Sava, ISV – Vodna knjiga
- Sektor 50
- ⊖ Sektor 40, arhiva
- Oglasna ploča - AVP Sava